

Mahathir, Musa akan lawat Kedah Perlis

ALOR SETAR, Khamis — Datuk Seri Dr. Mahathir Mohamad akan melakukan lawatan rasmi dua hari ke Kedah mulai Jumaat depan.

Timbalannya, Datuk Musa Hitam, pula akan membuat lawatan rasmi dua hari ke Perlis mulai 23 Ogos.

Perdana Menteri dan isterinya, Datin Seri Dr. Siti Hasmah, dijangka akan disambut oleh kira-kira 15,000 orang setibanya di Stadium Darul Aman di sini dengan helikopter.

Menteri Besar Kedah, Datuk Seri Syed Nahar Shahabuddin, memberitahu hari ini, bacaan sajak dan pertunjukan gimnastik akan dipersembahkan sebelum Datuk Seri Dr. Mahathir berucap.

Katanya, persiapan yang dibuat oleh Kerajaan Negeri adalah untuk meraikan Datuk Seri Dr. Mahathir sebagai anak tempatan yang menjadi Perdana Menteri.

Setiausaha Jawatankuasa Pengangkutan, Encik Akashah Haji Zakaria, yang juga Pengarah Jabatan

Pengangkutan Jalan Negeri, berkata 10% buan bas akan digunakan untuk membawa mereka yang akan menyambut Perdana Menteri.

Satu kenyataan Jabatan Penerangan Negeri Perlis berkata, ketibaan Datuk Musa di Lapanganterbang Kepala Batas akan disambut oleh Pemangku Menteri Besar, Haji Ali Ahmad.

Dari situ, rombongan Timbalan Perdana Menteri akan menaiki helikopter ke Stadium Datuk Sheikh Ahmad di Kangar di mana upacara sambutan besar-besaran menunggu beliau.

Pada 24 Ogos, Datuk Musa akan meninjau dari udara rancangan-rancangan pembangunan negeri Perlis termasuk kawasan pagar sempadan Malaysia—Thal.

Beliau juga akan melawat ban Sungai Padang di Sanglang, kawasan perindustrian di Sejawi dan kilang gula Felda di Chuping. — Bernama.